

Na osnovu člana 20a. Zakona o radu F BiH („Službene novine F BiH“, broj 26/16, 89/18 i 44/22), člana 3. stav (1) i člana 6. Uredbe o postupku prijema u radni odnos u javnom Sektoru na teritoriji Kantona Sarajevo („Službene novine Kantona Sarajevo“ broj 19/21 i 10/22), člana 4. Pravilnika o radu KJKP „Park“, d.o.o. Sarajevo, broj: 1517-7, od 25.06.2018 godine, broj: P-1040-1-1/20, od 20.04.2020., broj: P-2072-5/21, od 09.07.2021., broj: P-2793-2, od 20.08.2021., i broj: P-3781-3, od 02.11.2021., broj: P-173-1, od 21.01.2022., i broj: P-344-3-1, od 08.02.2022. godine, Odluke Vlade Kantona Sarajevo broj: 02-04-28548-16/22 od 21.07.2022. („Službene novine KS“, broj 30/22), Odluka direktora broj: P-5059 od 21.11.2022. godine KJKP „Park“ d.o.o. Sarajevo raspisuje

**PONOVNI JAVNI OGLAS
ZA PRIJEM RADNIKA U RADNI ODNOS NA NEODREĐENO VRIJEME U KJKP
“PARK“ D.O.O. SARAJEVO**

Raspisuje se ponovni javni oglas za prijem radnika u radni odnos u KJKP “Park“ d.o.o. Sarajevo sa sjedištem u Sarajevu, ulica Patriotske lige broj 58, 71000 Sarajevo, www.park.ba
Javni oglas se raspisuje za prijem radnika u radni odnos na neodređeno vrijeme u KJKP “Park“ d.o.o. Sarajevo na puno radno vrijeme na području Kantona Sarajevo za slijedeća radna mjesta:

1. POZICIJE

1. **Kv bravar** - 1 (jedan) izvršilac,
2. **Kv varioc** -1 (jedan) izvršilac,
3. **Kv zidar** -1 (jedan) izvršilac,

2. OPĆI USLOVI KOJE SVI KANDIDATI MORAJU ISPUNJAVATI:

- 1) da je stariji od 18 godina;
- 2) da je državljanin Bosne i Hercegovine;
- 3) da je fizički i psihički sposoban za obavljanje poslova radnog mjesta za koje se prijavljuje.

Tel. Centrala: +387 33 560 560;
Direktor: +387 33 560 570, 201-977;
Fax: +387 33 560 561; 201-977;
E-mail: info@park.ba;
www.park.ba

Općinski sud u Sarajevu
Broj sudskog registra UF/I-2558/05
Porezni broj: 01071306;
Matični broj: 20379383;
Matični registracioni broj: 1-566

NLB Banka 1322602019095668;
UniCredit bank d.d.
3386902212020028;
Turkish Ziraat bank Bosnia d.d.
Sarajevo 1860001022085047

3. OPIS POSLOVA I POSEBNI USLOVI KOJE KANDIDATI MORAJU ISPUNJAVATI

Pored općih uslova utvrđenih u Zakonu o radu („Službene novine Federacije BiH“, broj 26/16, 89/18, 44/22), kandidati moraju ispunjavati i slijedeće posebne uslove:

Pozicija broj 1.-Kv bravar

Opis poslova:

- Obavlja sve složene bravarske radove na izgradnji zelenih površina (planira, priprema, izvodi i vrši provjeru kvaliteta obavljenog posla),
- Poznaje i pridržava se odredbi i načela standarda kvaliteta;
- Poštuje principe estetike u oblikovanju proizvoda od metala, vrši spajanje materijala zavarivanjem (elektrolučno i CO2 zavarivanje), lemljenjem i zakivanjem, vrši površinsku zaštitu proizvoda bojenjem i lakiranjem;
- Odgovoran je za racionalno korištenje sirovina, materijala, energenata i drugih medija,
- Posjeduje odgovarajuća znanja za čitanje i razumijevanje tehničkih crteža i tehnološke dokumentacije (šema ili skica idejnog rješenja) montaže, demontaže i popravke parkovskih i sportskih elemenata namijenjenih za ugradnju na javnim zelenim površinama;
- Obavlja sve radove montaže, demontaže i popravke parkovskih i sportskih elemenata namijenjenih za ugradnju na javnim zelenim površinama;
- Obavlja i ostale radove koji se izvode na javnim zelenim površinama;
- Obavezan je poštovati pravila zaštite na radu i koristiti HTZ opremu
- Obavezan je poštovati i sprovoditi norme rada
- Po potrebi obavlja poslove opsluživanja rekvizita u RZC Pionirska dolina i ZOO vrt koji su u upotrebi (stavlja u rad rekvizit, stara se o sigurnosti korištenja istih);
- Obavlja i druge poslove, u okviru svoje struke, po nalogu poslovođe, šefa i rukovodioca RJ;
- Za svoj rad odgovara rukovodiocu RJ.

Posebni uslovi koje kandidat mora ispunjavati:

1. Srednja stručna sprema, III stepen;
2. zanimanje/zvanje kv bravar;
3. najmanje 6 mjeseci na istim ili sličnim poslovima;
4. posebni uslovi certifikat za obučenost o rukovanju određenom mašinom.

Mjesto rada Kanton Sarajevo,
Radno vrijeme 7,00 do 15,30 sati,
Osnovna plata 752,14 KM.

Pozicija broj 2.-Kv varioc

Opis poslova:

- Vršiti pripremu metalnih dijelova za dalju obradu, spajaju metalne dijelove postupkom zagrijavanja;
- Posjeduje odgovarajuća znanja za čitanje i razumijevanje tehničkih crteža i tehnološke dokumentacije (šema ili skica idejnog rješenja) montaže, demontaže i popravke parkovskih i sportskih elemenata namijenjenih za ugradnju na javnim zelenim površinama;
- Priprema, izvodi i vrši provjeru kvaliteta obavljenog posla;
- Poznaje i pridržava se odredbi i načela standarda kvaliteta;
- Poštuje principe estetike u oblikovanju proizvoda od metala, vrši spajanje materijala zavarivanjem (elektrolučno i CO2 zavarivanje), lemljenjem i zakivanjem, vrši površinsku zaštitu proizvoda bojenjem i lakiranjem;
- Odgovoran je za racionalno korištenje sirovina, materijala, energenata i drugih medija,
- Obavlja i ostale radove koji se izvode na javnim zelenim površinama;

- Obavezan je poštovati pravila zaštite na radu i koristiti HTZ opremu
- Obavezan je poštovati i sprovoditi norme rada
- Po potrebi obavlja poslove opsluživanja rekvizita u RZC Pionirska dolina i ZOO vrt koji su u upotrebi (stavlja u rad rekvizit, stara se o sigurnosti korištenja istih);
- Obavlja i druge poslove, u okviru svoje struke, po nalogu poslovođe, šefa i rukovodioca;
- Za svoj rad odgovara rukovodiocu RJ.

Posebni uslovi koje kandidat mora ispunjavati:

1. Srednja stručna sprema, III stepen;
2. zanimanje/zvanje kv varioc;
3. najmanje 6 mjeseci na istim ili sličnim poslovima;
4. posebni uslovi certifikat za obučenosť o rukovanju određenom mašinom.

Mjesto rada Kanton Sarajevo,
Radno vrijeme 7,00 do 15,30 sati,
Osnovna plata 752,14 KM.

Pozicija broj 3.-Kv zidar

Opis poslova:

- Obavlja sve vrste zidarskih radova (postavlja temelje, gradi objekte , zida zidove, stubove, betonira staze, i ostalo);
- Posjeduje odgovarajuća znanja za čitanje i razumijevanje tehničkih crteža i tehnološke dokumentacije (šema ili skica idejnog rješenja) montaže, demontaže i popravke parkovskih i sportskih elemenata namijenjenih za ugradnju na javnim zelenim površinama;
- Priprema, izvodi i vrši provjeru kvaliteta obavljenog posla;
- Pozna je i pridržava se odredbi i načela standarda kvaliteta;
- Poštuje principe estetike.
- Obavlja poslove ugradnje i popravke objekata, parkovskog mobilajara, infrastrukture i ostalog;
- Odgovoran je za racionalno korištenje sirovina, materijala, energenata i drugih medija,
- Obavezan je poštovati pravila zaštite na radu i koristiti HTZ opremu
- Obavezan je poštovati i sprovoditi norme rada,
- Po potrebi obavlja poslove opsluživanja rekvizita u RZC Pionirska dolina i ZOO vrt koji su u upotrebi (stavlja u rad rekvizit, stara se o sigurnosti korištenja istih);
- Obavlja i druge poslove, u okviru svoje struke, po nalogu poslovođe, šefa i rukovodioca RJ;
- Za svoj rad odgovara rukovodiocu RJ.

Posebni uslovi koje kandidat mora ispunjavati:

1. Srednja stručna sprema, III stepen;
2. najmanje 6 mjeseci na istim ili sličnim poslovima;
3. posebni uslovi certifikat za obučenosť o rukovanju određenom mašinom.

Mjesto rada Kanton Sarajevo,
Radno vrijeme 7,00 do 15,30 sati,
Osnovna plata 752,14 KM

4. OBAVEZNA DOKUMENTACIJA KOJU SU KANDIDATI DUŽNI DOSTAVITI

Svojeručno potpisana prijava na javni oglas sa kraćom biografijom, kontakt podacima (adresa, broj telefona i e-mail) i tačnom naznakom pozicije/radnog mjesta na koju se prijavljuje

Spisak dokumentacije koju kandidat prilaže uz prijavu:

- CV/biografija,
- Izjava kandidata da je saglasan da se njegovi lični podaci koriste i budu dostupni javnosti do okončanja procedure javnog oglasa (u prilogu oglasa predmetna izjava),
- Izvod iz matične knjige rođenih,
- Uvjerenje o državljanstvu,
- Diploma o stečenom srednjem obrazovanju;
- potvrda poslodavca o radnom iskustvu kojom se nedvosmisleno dokazuje koje je poslove obavljao i u kojem periodu;
- certifikat za obučenost o rukovanju određenom mašinom;
- Ljekarsko uvjerenje dostavlja samo izabrani kandidat.

5. PREDNOST PRI ZAPOSŁJAVANJU POD POSEBNIM USLOVIMA:

Prednost pri zapošljavanju ostvaruju branioци i članovi njihovih porodica u skladu sa Zakonom o dopunskim pravima boraca – branitelja BiH („Službene novine Kantona Sarajevo“ broj 31/22), Zakonom o pravima demobiliziranih branilaca i članova njihovih porodica („Službene novine Federacije BiH“ broj 54/19, 29/22), Uredbom o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo („Službene novine Kantona Sarajevo, broj 37/20, 27/21) i Instrukcijom o bližoj primjeni kriterija vrednovanja prema Uredbi o jedinstvenim kriterijima i pravilima zapošljavanja branilaca i članova njihovih porodica u institucijama u Kantonu Sarajevo, Grada Sarajevo i općinama u Kantonu Sarajevo („Službene novine Kantona Sarajevo, broj 37/20 i 27/21).

Naprijed navedena lica prednost pri zapošljavanju po Uredbi o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo ostvaraju ako se nalaze na evidenciji Javne ustanove „Služba za zapošljavanje Kantona Sarajevo“ ili su zaposlena sa nižom stručnom spremom od one koju posjeduju ili su zaposlena na određeno vrijeme.

Kandidati da bi ostvarili prioritet pri zapošljavanju trebaju da dostave:

- Potvrda o mjestu prebivališta/ boravišta u Kantonu Sarajevo ne starije od datuma objavljivanja ovog javnog oglasa,
- Dokaz da je kandidat na evidenciji nezaposlenih JU Službe za zapošljavanje Kantona Sarajevo – Uvjerenje biroa za zapošljavanje ne starije od datuma objavljivanja ovog javnog oglasa,
- Dokaz da je kandidat zaposlen sa nižom stručnom spremom od one koju posjeduje – potvrda poslodavca sa obaveznom naznakom stepena sprema i zanimanja s kojim je radnik zasnovao radni odnos kod poslodavca ne starija od datuma objavljivanja ovog javnog oglasa,
- Dokaz da je kandidat u radnom odnosu na određeno vrijeme – potvrda/uvjerenje poslodavca kojom se dokazuje da je radni odnos zasnovan na određeno vrijeme i ovjerena kopija ugovora o radu,

- Izvod iz matične knjige vjenčanih ne stariji od datuma objavljivanja ovog javnog oglasa za Supruge ratnih vojnih invalida,
- Dokumentacija kojom se dokazuje status korisnika po Uredbi o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo („Službene novine Kantona Sarajevo,, broj 37/20, 27/21) prikazana je u tabeli:

Redni broj	Pripadnost branilačkoj kategoriji	Naziv dokumenta	Organ koji ga izdaje
1.	Član porodice šehida/poginulog, umrlog i nestalog branioca	Uvjerenje o statusu djeteta šehida / poginulog borca, umrlog i nestalog branioca Rješenje o priznatom pravu na porodičnu invalidninu za suprugu šehida / poginulog, umrlog i nestalog branioca Uvjerenje o učešću u Oružanim snagama šehida / poginulog, umrlog i nestalog branioca	Općinska služba za boračko – invalidsku zaštitu Grupa za pitanja evidencija iz oblasti vojne obaveze prema mjestu prebivališta
2.	Ratni vojni invalid	Rješenje o priznatom svojstvu ratnog vojnog invalida	Općinska služba za boračko – invalidsku zaštitu
3.	Dobitnik ratnog priznanja i odlikovanja	Rješenje o priznatom pravu na mjesečno novčano primanje dobitniku priznanja	Općinska služba za boračko – invalidsku zaštitu
4.	Demobilizirani borac	Uvjerenje o učešću u Oružanim snagama	Grupa za pitanja evidencija iz oblasti vojne obaveze prema mjestu prebivališta
5.	Dijete: a) ratnog vojnog invalida b) dobitnika ratnog priznanaj i odlikovanja c) demobiliziranog branioca	Uvjerenje o statusu djeteta ratnog vojnog invalida Rješenje o priznatom pravu na : a) invalidninu b) mjesečni novčani dodatak c) uvjerenje o učešću u oružanim sangama	a) i b) Općinska služba za boračko – invalidsku zaštitu c) Grupa za pitanja evidencija iz oblasti vojne obaveze prema mjestu prebivališta
6.	Suprugama ratnih vojnih invalida	Uvjerenje o statusu supružnika ratnog vojnog invalida Rješenje o priznatom pravu na	Općinska služba za boračko – invalidsku zaštitu

- Napomena: Uvjerenja/Potvrde poslodavca o radnom iskustvu i stažu mora da sadrži naziv radnog mjesta, stepen stručne spreme potrebne za navedeno radno mjesto, opis posla i vremenski period obavljanja istog. Ako se dostavlja Uvjerenje o radnom stažu Zavoda za penzijsko invalidsko osiguranje ili Porezne uprave potrebno je dostaviti i potvrdu o tumačenju šifre iz uvjerenja kako bi se utvrdilo da je kandidat radio sa odgovarajućom spremom na poslovima za koje se traži radni staž.
- Kandidati su dužni dostaviti originalne dokumente ne starije od tri mjeseca ili ovjerene kopije ne starije od tri mjeseca od datuma izdavanja i ovjere izuzev tačno navedene dokumentacije kojom se dokazuje prednost pri zapošljavanju, a koja ne može biti starija od datuma objavljivanja ovog javnog oglasa.
Dokumentacija trajne vrijednosti može biti starija od tri mjeseca od datuma izdavanja, a ukoliko se dostavljaju kopije trajnih dokumenata iste ne mogu biti starije od tri mjeseca od datuma ovjere.
- Ukoliko se kandidati prijavljuju na više radnih mjesta dužni su uz svojeručno potpisanu prijavu priložiti naprijed navedenu i traženu dokumentaciju za svako radno mjesto posebno.
- Nepotpune, neblagovremene i netredne prijave kao i kopije tražene dokumentacije koje nisu ovjerene neće se uzeti u razmatranje.

6. OBAVJEŠTENJE O PREUZIMANJU LISTE PITANJA, PROPISA I LITERATURE IZ OBLASTI IZ KOJE ĆE SE POLAGATI PISMENI I USMENI ISPIT

Kandidati mogu kod poslodavca KJKP "Park" d.o.o. Sarajevo na adresi Patriotske lige, broj 58, 71 000 Sarajevo i na web stranici KJKP "Park" d.o.o. Sarajevo (www.park.ba), preuzeti listu pitanja za pismeni test i listu propisa i literature iz oblasti iz koje će se polagati usmeni i pismeni ispit, a prilagođena radnim mjestima na koje se kandidat prijavljuje.

7. OBAVJEŠTENJE ZA KANDIDATE

O datumu, vremenu i mjestu održavanja pismenog i usmenog ispita kandidati koji blagovremeno dostave urednu dokumentaciju biće obavješteni pismeno na adresu ili putem e- mail-a ili telefona koje dostave u prijavi.

Kandidati koji su uredno obavješteni o terminu pismenog i usmenog ispita, a istim ne pristupe, smatrat će se da su odustali od konkursne procedure.

U slučaju da nakon provođenja pismenog i usmenog ispita neki od kandidata budu imali jednak broj bodova, prednost pri zapošljavanju će imati onaj kandidat koji po posebnom zakonu ima prednost u zapošljavanju.

U slučaju da nakon provođenja pismenog i usmenog ispita neki od kandidata budu imali jednak broj bodova, a ostvaruju prednost pri zapošljavanju ili je uopće ne ostvaruju, prednost će imati kandidat koji je prvi predao prijavu.

Rok za podnošenje prijave je 10 (deset) dana od dana objave obavijesti o raspisivanju javnog oglasa u dnevnom listu „Oslobođenje,, dok će puni tekst javnog oglasa biti objavljen na internet stranici Javne ustanove „Služba za zapošljavanje Kantona Sarajevo“, web stranici KJKP "Park"

d.o.o. Sarajevo i Registru javnih oglasa o postupku prijema u radni odnos u javnom sektoru na teritoriji Kantona Sarajevo.

Kontakt telefon za dodatna obavještenja 033/560-568.

Prijave sa biografijom, adresom i kontakt telefonom te traženim dokumentima predaju se u zatvorenoj koverti putem pošte na adresu sjedišta ili direktno na protokol na adresu: KJKP „Park“ d.o.o. Sarajevo, ulica Patriotske lige broj 58.

Na poledini koverta obavezno upisati ime i prezime, adresu i kontakt telefon.

Na koverti obavezno naznačiti

**„PRIJAVA NA JAVNI OGLAS (navesti naziv radnog mjesta na koje se prijavljuje)
– NE OTVARATI“**

Kandidati čija je dokumentacija neuredna, nepotpuna i neblagovremena bit će pismenim putem obavješteni sa navođenjem razloga zašto pristigla prijava nije ispravna, uz mogućnost uvida u dostavljenu dokumentaciju, u roku od tri dana od dana prijema obavijesti.

Dokumentacija koja se prilaže ostaje u arhivi KJKP „Park“, d.o.o. Sarajevo, a originalni dokumenti mogu se dobiti natrag na osnovu pisanog zahtjeva kandidata za povrat dokumentacije.

DIREKTOR
KJKP „PARK“ D.O.O. SARAJEVO



PRILOG

IZJAVA

Na osnovu člana 5. Zakona o zaštiti ličnih podataka („Službeni Glasnik BiH“, broj 39/06, 76/11 i 89/11) saglasan /na sam da KJKP „Park“ d.o.o. Sarajevo koristi moje lične podatke (ime i prezime) u svrhu provođenja postupka Javnog oglasa za prijem u radni odnos u KJKP „Park“ d.o.o. Sarajevo, te da isti budu dostupni javnosti do njegovog okončanja.

U _____, dana ____ . ____ . ____ . godine

Svojeručni potpis kandidata/kandidatkinje
